



Broj: 04-11-22-1480-222-1/20 – BA/SA

Tuzla, 26.07.2021. godine

Na osnovu Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za osigurana lica sa područja Tuzlanskog kantona i načinu finansiranja zdravstvene zaštite iz obaveznog zdravstvenog osiguranja za 2021. godinu, („Službene novine TK“, broj: 02/21), Saglasnosti Ministarstva zdravstva TK broj: 13/1-33-11696-21 od 28.05.2021. godine i člana 12. Statuta Zavoda zdravstvenog osiguranja Tuzlanskog kantona („Službene novine TK“, broj: 4/16), direktor Zavoda zdravstvenog osiguranja Tuzlanskog kantona objavljuje

JAVNI POZIV

za dostavu prijava za dodjelu ugovora za realizaciju preventinog skrining Programa na području Tuzlanskog kantona za 2021. godinu – Program skrininga raka debelog crijeva – usluge kolonoskopije

Pozivaju se javne zdravstvene ustanove i privatne zdravstvene ustanove/ordinacije (u nastavku teksta: ZU) sa područja Tuzlanskog kantona koje zadovoljavaju kriterije kadra, opreme i prostora potrebnih za pružanje usluga koje su predmet ovog Javnog poziva, da dostave prijave za dodjelu ugovora za realizaciju preventinog skrining Programa na području Tuzlanskog kantona za 2021. godinu – **Program skrininga raka debelog crijeva – usluge kolonoskopije**.

1. PREDMET JAVNOG POZIVA

Predmet Javnog poziva je pružanje usluga skrininga raka debelog crijeva koji će se realizovati putem:

- Usluge kolonoskopije - u slučaju pozitivnog FOBT testa treba uraditi kolonoskopski pregled da bi se utvrdio uzrok prikrivenog krvarenja i mogući rak debelog crijeva, koji podrazumijeva i eventualnu biopsiju suspektnih lezija u debelom crijevu sa histološkom analizom koja upotpunjuje dijagnostičku vrijednost ove metode.

(Predmet Programa skrininga raka debelog crijeva su i usluge FOBT testa koje su predmet zasebnog Javnog poziva).

Usluge će se pružati u skladu sa Programom skrininga raka debelog crijeva za 2021. godinu, donesen od strane Zavoda za javno zdravstvo Tuzlanskog kantona, a isti se nalazi u prilogu ovog Javnog poziva i njegov je sastavni dio.

Usluge će se pružati osiguranim licima sa područja Tuzlanskog kantona i licima kojima je po drugom osnovu dato pravo na korištenje zdravstvene zaštite, u skladu sa Programom skrininga.

Realizacija ugovora će se vršiti u skladu sa Programom skrininga raka debelog crijeva uzimajući u



obzir iskazane kapacitete, mjesto prebivališta osiguranih lica sa područja Tuzlanskog kantona i lica kojima je po drugom osnovu dato pravo na korištenje zdravstvene zaštite, te principe dostupnosti i pristupačnosti usluga.

2. USLOVI I DOKAZI

U pogledu sposobnosti za obavljanje usluga koje su predmet ugovaranja, ZU mora ispunjavati minimalno sljedeće uslove:

- a) U skladu sa Programom skrininga raka debelog crijeva za 2021. godinu, u svrhu pružanja usluga kolonoskopije ZU moraju ispunjavati uslove po pitanju opreme, prostora i kadra, što znači da trebaju posjedovati Rješenje nadležnog organa iz kojeg je vidljivo da su iste registrovane za obavljanje konsultativno specijalističke kao i dijagnostičke djelatnosti bolničke zdravstvene zaštite sekundarnog nivoa.

Dokaz: Rješenje nadležnog organa.

Dokaz se dostavlja u originalu ili kopiji originala ovjerenoj od strane nadležnog organa ili notara.

- b) Da ZU zadovoljava kriterije kadra, opreme i prostora za pružanje usluga;

Dokaz: Aneks 2 u kojem će izjaviti da posjeduje potrebnu opremu za pružanje usluga koje su predmet Javnog poziva, navesti medicinsko osoblje koje će biti angažovano na pružanju usluga (uz zvanje ili edukaciju), te iskazati dnevni i mjesečni kapacitet pružanja usluga.

- c) Da se ZU ne nalazi u sukobu interesa;

Dokaz: Izjava ovlaštenog lica ZU da nije u sukobu interesa (Aneks 3)

- d) Da su izmirene obaveze u vezi s plaćanjem direktnih poreza, penzijskog i invalidskog osiguranja, zdravstvenog osiguranja i osiguranja od nezaposlenosti, u skladu s važećim propisima u Bosni i Hercegovini;

Dokaz: Uvjerenje nadležnih institucija kojim se potvrđuje da su izmirene dospjele obaveze, u vezi s plaćanjem direktnih poreza i doprinosa iz obaveznog osiguranja (penzijsko i invalidsko osiguranje, zdravstveno osiguranje i osiguranje od nezaposlenosti).

Obaveze moraju biti izmirene zaključno sa 30.04.2021. godine.


Dokaz se dostavlja u originalu ili kopiji originala ovjerenoj od strane nadležnog organa ili notara.

- e) Da su izmirene obaveze u vezi s plaćanjem indirektnih poreza, u skladu s važećim propisima u Bosni i Hercegovini;

Dokaz: Uvjerenje nadležnih institucija da su izmirene dospjele obaveze u vezi sa plaćanjem indirektnih poreza.

Obaveze moraju biti izmirene zaključno sa 30.04.2021. godine.

Dokaz se dostavlja u originalu ili kopiji originala ovjerenoj od strane nadležnog organa ili notara. Kod ispunjavanja uslova iz tačke d) i e), a u slučaju da ZU ima zaključen sporazum o reprogramu



obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektne poreze, obavezno dostaviti Potvrdu nadležne institucije/a da ZU u predviđenoj dinamici izmiruje svoje reprogramirane obaveze.

Ukoliko je ZU zaključila sporazum o reprogramu obaveza ili odgođenom plaćanju obaveza i izvršila samo jednu uplatu obaveza, neposredno prije dostave prijave, ne smatra se da u predviđenoj dinamici izvršavala svoje obaveze i ta ustanova neće biti kvalifikovana u ovom postupku.

U slučaju da ZU nije u sistemu PDV-a, obavezna je dostaviti Uvjerenje nadležnog organa da ista nije u sistemu PDV-a.

Dokaz se dostavlja u originalu ili kopiji originala ovjerenoj od strane nadležnog organa ili notara.

- f) Da će osiguranom licu pružiti predmetnu uslugu odmah, a najkasnije u roku do 30 dana od dana dostave spiska osiguranih lica od strane Zavoda;

Dokaz: Izjava ovlaštenog lica (Aneks 4).

Napomene:

Pored gore navedenih dokaza, ZU je u obavezi dostaviti i sljedeće:

- Aneks 5. – Izjava za komunikaciju,
- Aneks 6. – Izjava o povjerljivosti i tajnosti svih ličnih podataka osiguranih lica.

Aneksi se dostavljaju u originalu, potpisani i ovjereni pečatom od strane ovlaštenog lica ZU.

Svi Aneksi se nalaze u prilogu ovog Javnog poziva.

Dokazi iz tačke a), b), e) i f) ovog Javnog poziva dostavljaju se u originalu ili kopiji originala ovjerenoj od strane nadležnog organa ili notara.

Dokazi iz tačke a), b), e) i f) ovog Javnog poziva mogu se dostaviti na sljedeći način:

- Uz jednu od prijava dostavljenu na Javni poziv za obavljanje usluga preventivnog skrining Program na području Tuzlanskog kantona za 2021. godinu na koji se prijavljuje ili
- Posebno uz svaku prijavu dostavljenu na Javni poziv za obavljanje usluga preventivnog skrining Program na području Tuzlanskog kantona za 2021. godinu.

Zavod zadržava pravo provjere tačnosti datih podataka u dostavljenoj prijavi.

3. PROCJENJENA VRIJEDNOST NABAVKE

Procijenjena vrijednost nabavke iznosi do 30.070,00 KM.

Maksimalna jedinična cijena koju priznaje Zavod za usluge kolonoskopije iznosi ukupno 155 KM.

4. NAČIN DODJELE UGOVORA

Dodjela Ugovora će se izvršiti na osnovu kriterija najniže ponuđene cijene ustanovama koje ispunjavaju uslove ovog Javnog poziva i koje prihvate najnižu ponuđenu cijenu po ovom Javnom pozivu.

ZU čija prijava ne bude sadržavala usluge navedenih u tački 2. ovog Javnog poziva, neće biti



kvalifikovana za izvršenje predmetnih usluga i istoj se ugovor neće dodjeliti. U slučaju da dvije ili više ZU dostave Prijave čije se cijene usluga razlikuju, istim će se omogućiti da prihvate pružati usluge po najnižoj ponuđenoj cijeni ili eventualno ponuditi nižu cijenu.

5. NAČIN DOSTAVLJANJA PRIJAVA

Prijava treba biti napisana neizbrisivom tintom.

Prijava se dostavlja u zatvorenoj koverti na adresu Zavoda.

Na koverti prijave mora biti naznačeno:

- naziv i adresa Zavoda,
- naziv i adresa ZU,
- naznaka: „**Prijava za pružanje usluga skrininga raka debelog crijeva - NE OTVARATI**“

Prijave se mogu dostaviti lično na Pisarnicu Zavoda zdravstvenog osiguranja Tuzlanskog kantona ili putem redovne pošte.

6. POJAŠNENJE JAVNOG POZIVA

Zahtjevi za pojašnjenje se mogu dostaviti u pisanoj formi (putem redovne pošte, putem elektronske pošte, faksom ili predajom lično na Pisarnicu Zavoda) ili telefonskim putem od osoba navedenih u tački 10. ovog javnog poziva.

7. ADRESA NA KOJU SE DOSTAVLJAJU PRIJAVE

Zavod zdravstvenog osiguranja Tuzlanskog kantona, Franjevačka broj 36, 75 000 Tuzla.

8. PERIOD ZAKLJUČIVANJA UGOVORA

Ugovor se zaključuje na period do 31.12.2021. godine.

9. KRAJNI ROK ZA DOSTAVU PRIJAVA

Prijave se dostavljaju do 06.08.2021. godine, do 16 sati.

10. KONTAKT

Kontakt osobe:

Emir Suljić, dipl. ecc

Anja Bošnjaković, Bachelor prava

Telefon: 035/300-623

Faks: 035/300-623

e-mail: ugovaranje@zzotk.ba

Prilog:

- Program skrininga raka debelog crijeva,
- Aneks 1. – Obrazac za cijenu,
- Aneks 2. – Izjava o opremljenosti i kapacitetima
- Aneks 3. – Izjava za sukob interesa,
- Aneks 4. – Izjava za pružanje usluga,
- Aneks 5. – Izjava za komunikaciju,
- Aneks 6. – Izjava o povjerljivosti i tajnosti.



DIREKTOR
mr. Denis Husić, dipl. pravnik



PROGRAM SKRININGA RAKA DEBELOG CRIJEVA ZA 2021. GODINU



4 PROGRAM SKRININGA RAKA DEBELOG CRIJEVA ZA 2021. GODINU

4.1 Uvod

Provođenje Programa skrininga raka debelog crijeva trebao bi doprinijeti poboljšanju zdravlja populacije jer se preventivnim mjerama otkrivaju zloćudni tumori debelog crijeva u ranom i ograničenom stadiju kada su izgledi za izlječenje veliki. Programom će biti obuhvaćena populacija pod prosječnim rizikom i bez specifičnih simptoma, u dobi od 50 do 74 godine.

Smatra se da će u razvijenim zemljama od raka debelog crijeva tokom života oboljeti oko 4,6% muškaraca i 3,2% žena, a odnos incidencije i mortaliteta između muškaraca i žena je 1,05:1.

Primjena testa na okultno fekalno krvarenje u ranoj detekciji raka debelog crijeva u kontroliranim studijama u SAD, Velikoj Britaniji, Danskoj i Švedskoj dovela je do pada relativne stope mortaliteta od 18% do 33%.

Aktivni program traženja raka debelog crijeva može biti djelotvoran u prevenciji razvoja raka debelog crijeva zbog činjenice da ih većina nastaje iz prethodno benignih adenoma, a vrijeme prelaska iz benigne u malignu fazu traje između 10 i 35 godina. Zahvaljujući tome moguće je pravovremeno otkrivanje i odstranjenje premalignih promjena. Zbog toga je prvi zadatak zdravstvene službe da se što više tumora otkrije u lokalizovanom stadiju bolesti, u kojem se može očekivati potpuno izlječenje u više od 85% oboljelih.

4.2 Epidemiologija raka debelog crijeva

Rak debelog crijeva predstavlja, zbog stalnog porasta učestalosti, sve važniji dijagnostički i terapijski problem. Incidencija i smrtnost su u posljednjih tridesetak godina u stalnom porastu s prosječnom godišnjom stopom rasta od oko 3%, iako mortalitet raste sporije nego incidencija.

Prema podacima Zavoda za javno zdravstvo Tuzlanskog kantona kolorektalni rak se nalazi na trećem mjestu po učestalosti među svim zloćudnim tumorima i jedan je od rijetkih tumora čiju pojavu možemo na vrijeme spriječiti. Kod muškaraca je to najčešća lokalizacija raka iza raka pluća, a kod žena iza raka dojke. Incidencija u populaciji Kantona kreće se oko 10%.

Osnovni razlog za kontinuirano visok mortalitet je stanje raka debelog crijeva u trenutku uspostavljanja dijagnoze - manje od 10% svih raka debelog crijeva lokalizovano je samo u zidu crijeva.

4.3 Faktori rizika za razvoj raka debelog crijeva

Za nastanak kolorektalnog raka odgovorna je složena interrekcija između nasljedne sklonosti i vanjskih faktora.

Rizik od razvoja ovog tumora zavisi od dobi i poznato je da rizik počinje rasti nakon četrdesetih sa značajnim porastom između 50-55 godine života. Svakom sljedećom dekadom života rizik se udvostručuje da bi na kraju dostigao eksponencijalni rast.



Poznato je da se 90% svih raka nađe u osoba starijih od 50 godina. Svaka osoba starija od 50 godina nosi 5% rizika da će do starosti od 74 godine razviti rak debelog crijeva, odnosno 2,5% rizika da će umrijeti od raka debelog crijeva. Simptomi koji ukazuju na razvoj raka debelog crijeva su: okultno ili manifestno krvarenje, promjene u pražnjenju crijeva, bolovi u trbuhu i slabokrvnost.

4.4 Metode skrininga raka debelog crijeva

Za skrining raka debelog crijeva primjenjuju se različite metode. Najčešće korišteni dijagnostički testovi kojima je moguće otkriti bolest u premalignoj fazi, odnosno u fazi kurabilnog raka su testovi okultnog fekalnog krvarenja (*fecal occult blood test-FOBT*), proktosigmoidoskopski i kolonoskopski pregled i irigografija s dvostrukim kontrastom te određivanje tumorskih markera.

Skrining raka debelog crijeva testiranjem na okultno krvarenje u stolici (krvarenje koje se ne vidi okom) kod asimptomatske populacije pod prosječnim rizikom pokazalo se prikladnom metodom za skrining raka debelog crijeva zbog jednostavnosti primjene i relativno niskih troškova metode u usporedbi s troškovima liječenja. U velikim populacijskim i kontroliranim studijama testiranja okultne krvi u stolici u ranom otkrivanju raka debelog crijeva, pozitivan test na okultno fekalno krvarenje zabilježen je u 1% do 5% ispitanika. Pozitivna reakcija indikacija je za daljnje dijagnostičke procedure, najčešće kolonoskopski pregled ili proktosigmoidoskopiju i irigografski pregled s dvostrukim kontrastom. Senzitivnost testa za rak debelog crijeva je oko 50%, a specifičnost 98%; prediktivna vrijednost pozitivnog testa na okultno fekalno krvarenje u otkrivanju raka debelog crijeva 5-10%, a za adenome 20-30%.

Sigmoidoskopija i kolonoskopija su invazivne dijagnostičke metode ali predstavljaju "zlatni standard" u dijagnostici promjena na debelom crijevu zbog visoke osjetljivosti u otkrivanju i najsitnijih promjena čak i onih manjih od 5 mm u prečniku, tako da se sve izrasline mogu otkriti u vrlo ranoj fazi bolesti. Ova metoda daje mogućnost endoskopskog uklanjanja nađenih promjena već tokom prvog pregleda tako da su najčešće ove dijagnostičke procedure istovremeno i terapijske.

4.5 Ciljevi Programa skrininga raka debelog crijeva

4.5.1 Opšti cilj

- smanjiti smrtnost od raka debelog crijeva;
- smanjiti invalidnost, poboljšati kvalitet života i preživljavanje oboljelih;
- smanjiti troškova liječenja.

4.5.2 Specifični ciljevi

- povećati broj novootkrivenih slučajeva raka debelog crijeva u ranoj fazi njegovog razvoja
- postići optimalni obuhvat ciljane populacije;



4.6 Ciljna grupa

Asimptomatske osobe (muškarci i žene) u dobi od 50-74 godina starosti sa uobičajenim rizikom za razvoj raka debelog crijeva.

4.7 Test za ranu dijagnostiku

4.7.1 Test na okultno krvarenje (FOBT)

FOBT test je laboratorijski test za dokazivanje prisustva skrivene (okultne) krvi u uzorku stolice. Okultno (skriveno) krvarenje se ne može vidjeti golim okom, a prisustvo krvi se otkriva uz pomoć hemijskih supstanci koje se koriste u ovom testu.

U cilju skrininga raka debelog crijeva osobe koje imaju više od 50 godina i prosječan rizik za nastanak raka debelog crijeva trebaju bar jednom godišnje uraditi ovaj test.

U procjeni uzroka nejasne malokrvnosti ovim testom se može dobiti informacija da li je malokrvnost (anemija) posljedica krvarenja iz organa za varenje. FOBT ima mogućnost široke primjene, koristi se u cijelom svijetu za skrining oboljelih, jer svi koji imaju jednu od tri uzorka stolice pozitivnu na prisutnost krvi u stolici, upućuju se na kolonoskopiju. Ovaj test se preporučuje svima starijima od 50 godina, a oni koji imaju u porodici rak debelog crijeva trebali bi se upućivati na ovaj test već nakon 40 godina života.

4.7.2 Kolonoskopija

Kod pozitivnih ispitanika na prikriveno fekalno krvarenje treba uraditi kolonoskopski pregled da bi se utvrdio uzrok prikrivenog krvarenja i mogući rak debelog crijeva. U osoba povišenog i visokog rizika za razvoj raka debelog crijeva (lična anamneza kolorektalnog adenoma ili raka, ulcerozni kolitis, Morbus Crohn), porodična anamneza polipoznih sindroma (FAP, Gardnerov, Turcotov, Peutz-Jeghersov sindrom, familijarna juvenilna polipoza, nepolipozni rak kolona, rođak u prvom koljenu s oboljelim od kolorektalnog raka) potrebno je program skrininga raka debelog crijeva započeti u ranijoj dobi.

Kolonoskopskim i irigografskim pregledima s dvostrukim kontrastom otkriva se 90-95% raka debelog crijeva, ali se zbog teškoća provedbe i visoke cijene najčešće primjenjuje u praćenju visokorizičnih skupina i kao metoda dijagnostike kod pozitivnih ispitanika na okultno fekalno krvarenje.

4.8 Organizacija Programa skrininga raka debelog crijeva

4.8.1 Aktivnosti

- Program skrininga raka debelog crijeva sprovodit će javne i privatne zdravstvene ustanove/ordinacije, koje zadovoljavaju kriterije kadra, opreme i prostora potrebnih za pružanje usluga ovog skrininga (u daljem tekstu ugovorne zdravstvene ustanove za FOBT test, odnosno ugovorne zdravstvene ustanove za kolonoskopiju), a koje nakon provođenja javnog poziva od strane ZZOTK, zaključe ugovor o realizaciji navedenog programa skrininga;
- Program skrininga će se realizovati putem FOBT testa i kolonoskopije;



- ZJZTK će obavijestiti sve ugovorne zdravstvene ustanove primarnog nivoa zdravstvene zaštite (JZU domovi zdravlja i ugovorni timovi porodične medicine) o zaključenju ugovora o realizaciji Programa skrininga za 2021. godinu. Uz navedenu obavijest ZJZTK će dostaviti kriterije za odabir osiguranih lica za dati skrining program kao i tabelu u koju će biti potrebno unijeti podatke o osiguranim licima koji ispunjavaju kriterije.
- Ugovorne javne zdravstvene ustanove primarnog nivoa (timovi porodične medicine), sačiniti će spisak ciljne grupe osiguranih lica koja ulaze u skrining program (tabela u prilogu), te ih dostaviti ZJZTK koji će nakon kontrole unešenih podataka isti dostaviti ZZOTK koji će izvršiti raspoređivanje osiguranih lica na realizaciju skrining programa ka ugovornim zdravstvenim ustanovama za FOBT test (elektronska forma – Microsoft excel).
- Ugovorne zdravstvene ustanove za FOBT test će na osnovu prethodno dostavljenih spiskova, telefonskim putem vršiti zakazivanje skrining pregleda (FOBT test) osiguranih lica, odgovarajućom vremenskom dinamikom;
- Ugovorne zdravstvene ustanove za FOBT test će imenovati odgovornu osobu koja će koordinirati aktivnosti u sprovođenju programa na nivou ustanove, te biti odgovorna za korektno popunjavanje izvještajnih obrazaca i njihovo dostavljanje ZJZTK;
- Ugovorne zdravstvene ustanove za FOBT test su u obavezi dostavljati mjesečni izvještaj o realizovanim uslugama skrininga (FOBT test) ZJZTK na tabeli kreiranoj od strane ZJZTK (tabela u prilogu);
- Ugovorne zdravstvene ustanove za FOBT test će nalaz sa rezultatom skrininga (FOBT test) dostavljati matičnom domu zdravlja osiguranika kojem je rađena navedena pretraga, u skladu sa Zakonom o zaštiti ličnih podataka;
- U slučaju pozitivnog FOBT testa matični dom zdravlja će podatke o osiguranim licima, za koja je utvrđena potreba kolonoskopije, dostaviti ZJZTK. Nakon kontrole unešenih podataka ZJZTK će iste dostaviti ZZOTK, koji će izvršiti raspoređivanje osiguranih lica na realizaciju skrining programa ka ugovornim zdravstvenim ustanovama za kolonoskopiju. Ugovorna ustanova za izvršenje usluga kolonoskopije mora ispunjavati uslove po pitanju opreme, prostora i kadra za izvršenje ove usluge, što znači da mora biti registrovana za obavljanje konsultativno specijalističke kao i dijagnostičke djelatnosti bolničke zdravstvene zaštite sekundarnog nivoa.
Napomena: Preventivna kolonoskopija, kojoj je zadatak među ciljnom populacijom pronaći ranu promjenu koja bi upućivala na karcinom debelog crijeva, podrazumijeva i eventualnu biopsiju suspektnih lezija u debelom crijevu sa histološkom analizom koja upotpunjuje dijagnostičku vrijednost ove metode. Svaka druga procedura na nađenoj promjeni se tretira terapijskom, odnosno u tom slučaju, pacijent izlazi iz skrining programa.
- Ugovorne zdravstvene ustanove za kolonoskopiju će na osnovu prethodno dostavljenih podataka, telefonskim putem vršiti zakazivanje skrining pregleda (kolonoskopija) osiguranih lica, odgovarajućom vremenskom dinamikom;
- Ugovorna zdravstvena ustanova za kolonoskopiju vodit će evidenciju o izvršenim kolonoskopskim pregledima te rezultatima kolonoskopskih pregleda, a izvještaj dostavljati službi za porodičnu medicinu JZU iz koje su pacijenti upućeni na kolonoskopiju ZJZTK;



- Ugovorna zdravstvena ustanova za kolonoskopiju će imenovati odgovornu osobu koja će koordinirati aktivnosti u sprovođenju dijela skrining programa koji se odnosi na kolonoskopiju, te biti odgovorna za korektno popunjavanje izvještajnih obrazaca i njihovo dostavljanje navedenim ustanovama;
- Nakon obavljenog kolonoskopskog pregleda, nalaz će se pisati u dva primjerka od kojih jedan ostaje u zdravstvenoj ustanovi na kojoj je rađena pretraga, a drugi se daje pregledanoj osobi koja će ga dati na uvid svom ljekaru porodične medicine;
- ZJZTK će vršiti praćenje i evaluaciju Programa skrininga raka debelog crijeva kroz kreirane obrazce za izvještavanje, koje su ugovorne zdravstvene ustanove dužne dostavljati ZJZTK mjesečno, i to do 15. u mjesecu za prethodni mjesec;
- ZJZTK će izvještaj o izvršenim uslugama skrininga dostaviti ZZOTK na kraju godine, u skladu sa ugovorom.

4.9 Finansiranje Programa

Finansiranje će se vršiti iz sredstava obaveznog zdravstvenog zdravstvenog osiguranja predviđenih Finansijskim planom ZZOTK za 2021. godinu.

4.10 Program skrininga raka debelog crijeva

Prema osiguranim sredstvima, na području Kantona za 2021. godinu predviđene usluge testiranja na okultno krvarenje i usluge kolonoskopija su prikazane u tabeli 1.

Tabela 3. Planirani broj usluga skrininga (FOBT test i kolonoskopija) za područje Tuzlanskog kantona za 2021. godinu

Rb	Grad/Općina	Ukupan broj stanovnika	Ukupan broj usluga na godišnjem nivou
		50-74 godina	
1	Banovići	7.290	156
2	Čelić	3.098	66
3	Doboj Istok	3.163	68
4	Gračanica	14.059	300
5	Gradačac	11.979	256
6	Kalesija	10.008	214
7	Kladanj	3.931	84
8	Lukavac	15.409	329
9	Sapna	2.898	62
10	Srebrenik	12.133	259
11	Teočak	2.270	48
12	Tuzla	38.284	818
13	Živinice	17.991	383
UKUPNO		142.513	
Ukupno FOBT test			3.043
Ukupno KOLONOSKOPIJA			194



4.11 Rok provedbe

Program će se realizovati tokom 2021. godine u skladu sa epidemiološkom situacijom i preporučenim higijensko-epidemiološkim mjerama.

4.12 Saradnici u realizaciji Programa

ZJZTK; ZZOTK; ugovorne zdravstvene ustanove.

4.13 Izvori sredstava

Zavod zdravstvenog osiguranja Tuzlanskog kantona



PODACI

1. Tačan naziv ustanove:

2. Ime i prezime odgovorne osobe koja će koordinirati aktivnosti u sprovođenju Programa na nivou ZU:

3. Broj telefona odgovorne osobe koja će koordinirati aktivnosti u sprovođenju Programa na nivou ZU: _____

4. Broj faksa: _____

5. e-mail: _____

6. Web stranica: (neobavezno) _____

7. Sjedište ustanove - Adresa:

8. Broj žiro-računa i naziv banke:

9. Ovlašteno lice za potpisivanje ugovora (stručno zvanje, ime, prezime, funkcija):

10. Ostali podaci bitni za postupak (neobavezno):

Podaci se daju u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka debelog crijeva.

M.P.

Ovlašteno lice ustanove

OBRAZAC ZA CIJENU



Zdravstvena ustanova: _____

Redni broj	Naziv usluge	Jedinica mjere	Jedinična cijena bez PDV-a
1	Kolonoskopija	usluga	

M.P. Ovlaštena osoba ustanove: _____



IZJAVA o opremljenosti i kapacitetima

Ovim putem izjavljujemo da će se usluge skrininga raka debelog crijeva – usluge kolonoskopije pružati na sljedeći način (minimalno navesti opremu za pružanje usluga koje su predmet Javnog poziva, navesti medicinsko osoblje koje će biti angažovano na pružanju usluga – uz zvanje ili edukaciju, te iskazati mjesečni kapacitet pružanja usluga):

Izjava se daje u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka debelog crijeva.

M.P.

Ovlašteno lice ustanove



IZJAVA

1. Nisam ponudio mito ni jednom licu uključenom u procesu postupka ugovaranja, u bilo kojoj fazi.
2. Nisam dao, niti obećao dar, ili neku drugu povlasticu službenom ili odgovornom licu u ZZO TK, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službenom ili odgovornom licu u ZZO TK uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju.
5. Nisam sudjelovao u bilo kakvoj radnji koja je za cilj imala korupciju u toku postupka ugovaranja.

Davanjem ove izjave, svjestan sam kaznene odgovornosti predviđene za krivična djela primanja i davanja mita i krivična djela protiv službene i druge odgovornosti i dužnosti utvrđene u Krivičnim zakonima Bosne i Hercegovine.

Izjava se daje u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka debelog crijeva.

M.P.

Ovlašteno lice ustanove



IZJAVA

Izjavljujemo da će se osiguranom licu pružiti usluga skrininga raka debelog crijeva odmah, a najkasnije u roku do 30 dana od dana dostave spiska osiguranih lica od strane Zavoda.

Izjava se daje u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka debelog crijeva.

M.P.

Ovlašteno lice ustanove



IZJAVA O KOMUNIKACIJI IZMEĐU ZAVODA I USTANOVE

Izjavljujemo da smo saglasni da se komunikacija (Obavještenja, Odluke, Zapisnici i drugo) između nas i Zavoda zdravstvenog osiguranja Tuzlanskog kantona, u vezi sa Javnim pozivom za koji dostavljamo ponudu, po potrebi obavlja putem elektronske pošte, naš e-mail: _____, te se obavezujemo da će navedena e-mail adresa biti u funkciji, kao i da ćemo svaki prijem e-maila potvrditi.

Izjava se daje u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka debelog crijeva.

M.P.

Ovlašteno lice ustanove



**IZJAVA
o povjerljivosti i tajnosti svih ličnih podataka osiguranih lica**

Izjavljujemo da ćemo kao ugovorna Zdravstvena ustanova čuvati u tajnosti sve lične podatke osiguranih lica do kojih dolazimo prilikom postupanja po Ugovoru, a u skladu sa Zakonom o zaštiti ličnih podataka („Službeni glasnik BiH“ broj: 49/06, 76/11 i 89/11).

Izjava se daje u svrhu učestvovanja u postupku dodjele ugovora za realizaciju preventivnog skrining Programa na području Tuzlanskog kantona za 2021. godinu – Program skrininga raka debelog crijeva.

M.P.

Ovlašteno lice ustanove